

欽定剿平三省邪匪方略

欽定剿平三省邪匪方略正編卷二百七十一

辛酉年

八月二十一日

乙丑

額勒登保奏言查王冉餘匪

由西南竄入通江地界冉學勝姚馨佐股匪亦

附從而去張添倫及楊逆餘黨由塔壩河折竄

東北亡命疾走該匪人數有二千之衆惟恐蔓

延西紫一帶聞勒保已由南江入通江向東而

來遂一面知會勒保探蹤迎擊西竄賊匪

臣卽

督師趕辦東竄之賊並因張楊股匪奔走迅速  
全隊兵勇急切不能趕上遂派合格布舍帶領  
馬隊副將楊芳遊擊吳廷剛馬宗德帶領步隊  
兵勇由麻池寺九真壩飛速追剿臣率同楊遇

春札克塔爾由東西兩路適中之簡池壩三元  
壩而進以爲兩路策應初七日格布舍楊芳等  
由青崗坪高橋趕抵勞溪河聞賊匪竄至黑龍

洞一帶相距不遠遂令侍衛傅陞彥丕勒德勒  
奇善遊擊吳廷剛馬宗德張超都司祝廷彪等  
帶領兵勇從勞溪河右手出董家坪搶佔黑龍  
洞後山侍衛噶拉都司璩嘉驥守備吳璉帶領  
兵勇由左手出安坪大梁格布舍楊芳侍衛沙  
地保德克登保遊擊劉秉揚等由節草壩抄出  
黑龍洞約齊三路並進格布舍楊芳甫抵節草

壩正遇賊匪探馬衝出兵勇順溝迎擊賊匪紛  
紛搶上左右山梁抵禦適傳陞吳廷剛鳴拉瓌  
嘉驥等兩路兵勇已抵左右山梁將賊匪壓下  
三路兵勇奮力合擊殺斃二百餘人賊匪四散  
奔逃我軍乘勢追殺又斬戮七八十人生獲四  
十七名內有張國順一名係張添倫之師因該  
犯等兇悍抵拒均係臨陣生擒即時砍斃並殺

死頭目王老四及魏棒棒之弟魏三元帥二名  
餘賊向五塊石而去我兵仍復緊躡追剿臨陣  
時有藍翎外交頭應全本係前歲由張添倫股  
內投出之人高盤宣示

皇仁招令賊衆投出卽有探馬頭楊老公李結子帶  
領矛手七八十人棄械跪投據稱我等屢見告  
示投出免死因自知罪大不敢深信今見願應

全戴有翎頂始知蒙

皇上格外恩典若施恩饒我等性命情願趕上賊隊  
將張添倫等擒獻並將手下之人招出立功贖  
罪等語楊芳等察其情詞真切遂交都司祝廷  
彪同從前投出効力新勇一併帶領俟追上賊  
蹤察其虛實斟酌差用連日據報張逆被剿之  
後竄近五塊石該處有總兵胡定泰帶兵截擊

該匪聞風由麻柳灘折竄馬尾山格布舍楊芳  
等於初八日追至漆園子知胡定泰已帶兵先  
行追剿前進復由劉家河趕往尹家溝連夜出  
火焰溪緊躡追剿初九日至小河口趕及賊尾  
一路追殺至黃瓜溪沿途殲擒一百餘名該逆  
翻山奔高灘繞溪河而逃查該匪節次被剿除  
逃散外只剩七八百人現仍鼓勵兵勇奮力趕



剿等情

臣

復札知格布舍揚芳乘賊窮蹙之時

不許一刻鬆懈務期盡數掃蕩至穆克登布等  
所剿青號王山股匪於十一二等日先後接到

回稟據稱上月十五日會同長齡於竹山之羅  
家廟北星河等處斬戮二百餘名生擒九十餘  
名長齡因須趕辦楚境防堵事宜卽帶兵由竹  
谿而去穆克登布豐紳桑吉斯塔爾綸布春等

帶兵冒雨追剿十七日至陝境之小河斬獲百餘人該匪復遠路折向竹谿之羅漢垭又經長齡探知於二十一日截擊斬擒數十名該逆復回竄陝境穆克登布由平利之曾家壩於二十四日追至松樹廟探得賊匪竄赴漢河腦緊傍南面老林逃遁維時喜明柯藩聞信亦由旱田驍帶兵趕到遂籌商分路進剿三更後穆克登

布豐紳帶步隊兵勇由繖子坪進擊喜明桑吉  
斯塔爾帶馬隊兵勇由松樹坪截剿天尙未明  
穆克登布喜明等兩路兵勇先後並到乘黑暗  
中潛入賊羣斬獲數十人賊匪驚覺四散遁入  
林箐穆克登布等於天明時亦督兵分路追入  
林箐該匪或潛藏樹林用矛暗戮或佔據山頂  
擲石抵禦將弁等棄馬步行帶領兵勇奮力追

擊共殺賊二百餘人獲賊一百九十五名擊獲  
偽副元帥張尙一名因被兵勇截傷肚腹不能  
訊供卽時處死時到午後霧雨交作遂收集官  
兵於二十六七日復冒雨由關廟漁蓬子大  
小澗河追至黑虎廟統計節次擒斬賊匪共八  
百餘名餘匪僅剩六七百人盡棄騾馬亡命狂  
奔翻越大山向太平之老鴉舖而去臣查該匪

既入川境穆克登布等自應緊躡入川以期撲

滅惟<sub>臣</sub>接據楚境稟報知沿邊一帶尙有餘匪

未淨且蕪四崖胡股匪自竄入川界之後連日

查探並無確蹤或恐該匪隱匿深山乘我兵進

發之後潛蹤由鎮平雞心嶺等處竄至平利逼

近楚境亦未可定<sub>臣</sub>現已飭令穆克登布豐紳

桑吉斯塔爾等探聽陝楚邊境如有賊匪卽就

近先行剿辦刻下楚境防堵事宜業經長齡督  
率德昌等分投趕辦並於豐溪西面河一帶探  
蹤截剿聲勢聯絡該匪不致闖入楚疆陝省之  
孟石嶺繳子坪一帶已有兵勇堵剿卽有竄匪  
亦不敢深入陝境勢必一齊逼入川界更得聚  
而殲洗頃聞冉學勝殘匪二百餘人由通江之  
菩提河空山壩等處向西逃遁與高見奇合夥

竄至盧家灣經勒保督師痛加剿殺將冉學勝  
生擒查該逆係襄陽老教狡惡倍常經臣督率

楊遇春等輾轉剿殺敗殘疾遁茲被勒保一路

官兵獲此巨魁益見罪惡貫盈難逃法網現據

探報高見奇股匪及冉逆餘匪竄至東峪河松

坪該處現有慶成在羅家壩五郎壩頭住陝界

截擊至王冉餘匪仍在通江境內勒保自必督

率官兵乘勝分投就近趕剿

臣

現於長嶺一帶

飛差偵探以期夾擊德楞泰所剿龍紹周股匪

聞只剩一二千人現竄往大寧邊界德楞泰自

必顧定東面向西兜擊卽或闖入楚境該處有

孫清元在彼防剿亦可併力掃除其七十五所

剿湯劉股匪聞於東遼地界頗有殲獲現又追

入東開一帶陝境西北有慶溥慶成官兵東面



安康磚坪孟石嶺有張鳳喜明柯藩官兵平利  
有穆克登布豐紳等兵勇往來楚陝邊界探剿  
此時陝西之漢南漢北腹地均皆肅清賊股盡

在川陝邊界

臣

現茶營長嶺係通江太平西鄉

適中扼要之地既可顧川復可顧陝無論賊匪  
由東西兩面窺近皆可以資截擊總期併力趕  
辦迅速殄平上慰

聖慈厯注再據劉之仁並叅將吳亨衍等稟報前由  
鎮安折竄寧陝賊匪一股約有三百餘人又由  
月河折竄兩河其勢復將東遁吳亨衍奉慶成  
派令帶兵剿捕趕抵白山溝攔截該匪又由田  
家溝向北奔逃吳亨衍帶領兵勇由東北抄往  
鎮安與劉之仁合兵由木旺坪一路探蹤冒雨  
進剿上月二十八九等日進抵四畝地察探賊

蹤由袁家莊竄至偏巖相距不遠是夜三更後  
吳亨衍與遊擊楊吉各帶兵勇分路先進劉之  
仁隨後策應初一日黎明趕上賊匪該匪始尙  
吶喊抗拒將弁兵勇等奮力進剿自偏巖越秦  
嶺追殺七八十里沿途殺賊一百五十餘名生  
擒一百五十三名餘匪約七八十人向深山密  
菁竄去查訊活犯內有頭目袁開仁一名供係

高家營冉家營並樊人等各股內打散之人陸續聚集擄掠想過漢南尋大股合夥等語除將該犯及旗手李智仁等三十七名卽行正法並訊出附近被脅民人楊廷虎等十九名卽行釋放外其餘八十七名就近解交盩厔縣審辦餘匪七十八人現飭劉之仁等趕緊督率搜剿並量爲招徠以省兵力出力兵勇現已發給銀牌

交劉之仁等分別獎賞使知感奮

額勒登保又奏言查四年八月間奉

旨派出

盛京官兵二千名到陝後派令防守紫陽江岸一

千名其餘一千名內撥赴湖北軍營二百餘名

餘俱派隨各路軍營分帶剿賊各官兵防剿皆

極得力刻下各匪盡竄川陝邊界紫陽一帶已

屬寧謚所有防江

盛京官兵自應調至軍營隨征但各官兵防堵日久一經調令進剿必須添補馬匹而此時驟馬甚難籌辦且各匪被剿殘敗均向深山老林險峻無路之處零星奔逃馬隊較難施展稍遇地勢平坦之處則現有三省馬隊官兵已足敷用况該官兵來營已及兩年除傷亡殘廢遣回外

現尙有疾病未愈者臣刻已飭令該管侍衛協領等於現隨前敵進剿及防江之

盛京官兵中挑擇健壯精銳者三四百名留於軍營分撥協剿其餘均擬先行撤令回京其現在前敵進剿之吉林黑龍江馬隊官兵先後出征有二三年者有四五年者除節次傷病遣回外現又有受傷患病之人臣亦擬查其日久未愈

實在不能得力者一併撤回再三等侍衛墨爾  
廣額前因染患時症甚重當令赴磚坪營盤調  
養茲據總兵張鳳等稟報調治不愈於本月初  
三日病故該侍衛出師數年帶兵剿賊甚爲出  
力茲因病身故殊堪憫惜再查陝省漢南腹地  
賊氛甫經肅清據各路提鎮稟報入秋以來時  
疫甚盛兵勇患病者約計十之二三各寨硯民



人患病者十之三四刻下各路防剿兵丁陸續  
病故者已屬不少現經撫臣陸有仁購辦藥料  
送至各路軍營臣復札致陸有仁另行委員分  
散各寨硯民人等以資調治均奏入

上命軍機大臣傳諭額勒登保曰此次額勒登保督  
率剿辦張楊股匪並派格布舍等帶領馬步兵勇  
三路並進殲擒賊匪四百餘名其穆克登布等所

剿青號王山股匪亦節次擒斬八百餘名所辦俱  
好現在額勒登保駐紮長嶺係通江太平西鄉適  
中之地可以兼顧川陝竄爲扼要此時陝省竄川  
首逆冉學勝業經勒保生擒餘匪更屬喪膽據稱  
勒保督兵自北進剿德楞泰顧定東面兜擊七十  
五在東開一帶剿賊而慶成慶溥穆克登布等亦  
當隨時探剿陝省腹地現就肅清賊股俱在川陝

邊界額勒登保務當督率將弁鼓勵兵勇趁賊匪  
潰敗之時趕緊於八九兩月內悉數殲除其摺內  
所稱不許一刻鬆懈之語最爲明切倘遲至冬令  
冰雪溷滑追捕又形費手況探馬頭楊老么李結  
子見前次投出之顧應全二賊有翎頂深信免死屬  
實棄械跪投可見從賊之人無不畏死貪生希圖  
乞命額勒登保更當趁賊心渙散之時剿撫兼行

收事半功倍之效此時各股賊首賊目已無著名  
老教如劉之協王廷詔徐添德其人若能畏罪投  
出當體

上天好生之德不妨貸其一死發往新疆卽如王發生  
一犯係白蓮教首發遣新疆後亦不能再滋事端  
此其明証如賊匪怙惡不悛經官兵臨陣擒獲自  
不能再爲曲宥倘賊匪投出後或將弁等希冀冒

功作爲擒獻亦不可不嚴行查禁况朕論功行賞  
必當統計前後勞績分別加恩亦斷不因功屆垂  
成之際拏獲一二首逆遂邀上賞也又盛京官兵  
及吉林黑龍江馬隊官兵從征日久艱苦倍嘗其  
中傷病之人自應量加體卹且大功卽日告竣額  
勒登保請先行撤令回京所見甚是但功成凱旋  
非比征調之時行走必須迅速若分起間日起程

沿途車馬供支恐有未周或以二百名或二百五十名爲一起隔三四日派員管帶分起行走並著額勒登保將撤回盛京吉林黑龍江官兵每起計若干名派侍衛章京何人帶領何日起程逐一分晰開單具奏並一面咨明經過沿途地方官預備車馬等項妥爲照料再前據額勒登保開單具奏各股賊匪共有二萬四千三百餘人近日節據各

皇清高宗純皇帝實錄卷三十三  
三  
軍營奏到賊擒數目已共計一萬四千餘人本日  
額勒登保摺內又賊擒賊匪一千二百餘人統計  
所存賊匪不及萬人現在賊數是否如此約于何  
時可以完竣並著額勒登保再行查明覆奏侍衛  
墨爾賡額著照軍營病故例賜卹

臣等謹案自籌辦教匪以來

皇上憫念蠢頑剿撫兼施之注不啻三令五申嗣因

匪徒怙惡不悛投誠者少乃

勅令一意主剿蓋必使震懾之餘而後窮蹙乞命者  
不致有反側之患所謂以義輔仁也近因各  
路元戎疊次奏捷官兵所向掃柝摧枯是以  
賊中探馬頭等棄械跪投仰蒙

天心仁愛以從賊者無不畏死貪生

特諭經畧留心剿撫其真能悔罪投出者不妨貸其



一死發往新疆且令查禁將弁毋得作爲擒  
獻幸冀邀功是於鋤暴戡亂之中

密示赦過宥罪之意蓋

湯網之宏開實

堯仁之欽恤宜迅蕩餘氛而萬物咸若也

二十六日

庚午

勒保奏言昨在通江盧家灣地方

兜剿高冉二逆賊匪大獲勝仗生擒著名首逆

冉學勝及老教賊首多名雜時該匪等被我兵  
剿散窮竄深山密林零星潛匿必須趕緊搜捕  
又魏逆一股尙在老林急須探蹤剿辦

臣

當卽

多差弁兵分投偵探隨據探報冉家營一股自  
冉學勝就擒後餘衆大半被我兵斬獲所存不  
過數十人與高家營剿剩餘匪同逃或數十人  
一起或百餘人一起共尙有二三百人馬十餘

匹由官家嶺蓼葉坪翻走亮垭子老林潛伏其地已屬西鄉邊界魏逆一股現在南江老林約

有八九百人等語臣思高逆一股自陝竄川後

節經我兵痛剿殲擒解散十去八九此時合冉

逆餘匪統計僅剩二三百人窮竄西鄉邊界未

便以大兵越境跟追查蕭福祿一路兵勇原係

額勒登保派令追剿高家營之賊昨額勒登保

將蕭福祿調回派令總兵永明來川

臣

卽令永

明帶領陝省原來兵勇緊躡高逆餘匪無論在

川在陝總以剿捕淨盡爲主計此路兵勇有二

千餘名追此二三百殘匪儘敷剿辦惟魏逆一

般藏匿南江老林探有西竄之勢恐其仍由南

江廣元一路出山窺伺嘉陵江岸

臣

連日帶兵

向西由通江轉回南江隨探隨進十四日午後

行抵南江縣屬之碑壩地方據報魏逆賊匪正

竄漆樹坪距碑壩四五十里臣隨督兵前進行

至附近漆樹坪之峯埡子探得山頂有賊旗三

桿賊衆二三百人在彼屯聚臣察看山勢只有

一線之路可登賊已占踞險隘我兵若履險仰

攻必難得手隨即改路由包耳壩山後間道抄

襲出漆樹坪之前以期攻其不備是日雨霧甚

大我兵乘夜冒雨前進次日辰刻行抵漆樹坪  
賊匪正欲起竄忽見官兵突至卽奪路奔逃其  
紮在峯埡子之賊知官兵已繞道至漆樹坪該  
匪恃得地勢遂從上壓下我兵分投迎剿鎗箭  
齊發賊衆四潰臣卽分兵三路追趕派薛大烈  
率領副將海常叅將羅聲臯守備邱鳳岐文自  
新馬正元張應祿高聯陞等帶領兵勇向鐵竇

寨一路追剿顧住西河口竄陝之路派阿哈保  
率同協領達斯呼爾岱副總管格亨德爾委叅  
領葉楚委防禦薩凌阿叅將蕭鳳來遊擊桂涌  
晉之連等帶領滿漢官兵向李子坪追剿派副  
將張績遊擊傅廷佐等帶領兵勇向歐家山一  
路進剿賊匪情急自將騾馬截斃銜而走險向  
鐵船山一帶老林奔竄我兵緊躡入山叢林荆

蘇之中路徑險峻官兵皆棄馬步行攀援而進  
各追賊二三十里時已申刻未便窮追遂將兵  
勇撤至長坪暫紮查點各路俱有斬獲通計殺  
賊一百八十九名生擒一百七名訊出偽總兵  
蕭之斌大旗手樊元龍包詩誥及戰手嚴位等  
四十九名概行正法難民余可仁徐王氏等五  
十八名口均係廣元南江被擄未久之人給與



路票口糧釋放兵勇陣亡二名受傷五名查該  
逆現竄鐵船山老林諒難久紮其勢必由陳家  
峽竄出官壩北走林口子大壩小壩俱係竄陝  
之路西走水田坪係通廣元之路臣現在督率  
官兵趕緊抄赴官壩一帶迎頭探剿務期剋日  
殲淨以清川北再探得齊家營一股由陝竄川  
在空山壩與冉逆分路後卽由大壩小壩翻竄

陝界現准額勒登保知會慶成帶兵在羅家壩

五郎壩一帶截擊慶溥在黃官嶺防堵臣已分

咨慶成等囑其就近探剿諒可不致蔓延奏入

上命軍機大臣傳諭勒保曰魏逆一股藏匿南江老

林經勒保督領官兵緊躡追剿共殲擒二百八九

十名其勢日已窮蹙勒保自當上緊剿辦肅清川

北不可再有稽延至高家營一股現已竄至西鄉

邊界該處與川境犬牙相錯賊匪被剿緊急鋌走  
逃命此時額勒登保駐紮長嶺係太平西鄉適中  
之地正資截剿勒保現又令永明帶領蕭福祿所  
管陝省兵勇緊追高逆餘匪所辦尙是高家營餘  
匪合之再逆敗殘餘數亦不過二三百人永明一  
路兵勇有二千餘名儘足敷剿捕之用此股辦竣  
勒保卽迅速奏聞其齊家營一股已翻竄陝界現

有慶成慶溥分投截剿勒保應督飭將弁於邊界  
加意嚴堵以收夾攻之效不可任其再行折回至  
川東一帶德楞泰及七十五近日剿捕賊匪情形  
想因相距稍遠未得確信如日內得有捷音卽速  
馳奏以慰廑注

欽定剿平三省邪匪方略正編卷二百七十二

辛酉年

八月二十九日

癸酉

吳熊光奏言查現在襄陽各

局除原存軍需銀十八萬有零外又由司庫撥

解地丁銀十四萬兩合計尚有餉銀三十二萬

兩屈計每月所需可以用至十月雖大功告蕞

在卽而辦理善後一切并添設提鎮等營需費

尚多若待餉不敷用始行奏請撥給往返動須

數月恐致臨事周章合無仰懇

聖恩俯准於鄰近安徽江西等省預行

賞撥銀八十萬兩現又於本省藩庫動撥地丁銀十

九萬兩約共一百萬兩以資接濟再每月給發

各營兵勇餉銀其中陣亡病故者應卽開除病

傷留養者應就近在留養之州縣支領其無故

落後者更當隨時查辦豈容冒支鹽糧現飭各

營員務將實存兵勇細數按月造報各糧員卽  
照所造實數核明應領餉銀如期散放請嗣後  
如營員造有名冊而糧員仍不按期發餉或營  
員抗不造冊及造不如式希圖朦混卽將各該  
員分別參究以杜虛糜再龍紹周股匪此次折  
回川境德楞泰率兵追剿不予稍暇所竄俱係  
深山老林未敢擾及楚省腹地臣前接據探報

卽嚴飭各卡員弁實力堵截嗣該匪在興山剿  
敗回竄經防守陰條嶺卡之都司馬相守備陳  
德文把總譚兆祥等率領兵勇在大九湖截擊  
殲賊十餘名生擒向國仁何昌品妻何龐氏李  
世富白有潮等數名口除飭將各犯解赴臣營  
覆訊分別辦理外至龍逆以殘敗餘生遁回川  
境自可卽就剿除其由磁器山竄來賊股沿邊



擾及瓦桑河老莊子等處膽敢藉龍逆爲響援  
亦由房縣南山奔竄興山臣與撫臣全保登飭

總兵孫清元等帶兵由東北抄截該鎮等於十

四十五等日在豐邑坪栗園埡連獲勝仗已將

該匪逼向西南邊界其竹山北界賊股雖人數

無多但此股係徐添德餘黨熟悉楚邊山徑全

保現在該處督飭將備於各要隘嚴密截剿至

竹谿西南邊界亦有零匪竄擾提臣長齡與總  
兵德昌帶兵分投迎擊三路俱有斬獲已折回  
陝境逃逸可期以次肅清

吳熊光又奏言查楚省上年兵勇餉銀截至年  
底積欠至十餘萬兩曾經書麟按營清查並將  
五年分收到餉銀及每月需用銀數奏陳

聖鑒查書麟原奏除官兵往來剿賊運送糧餉脚費

及川陝官兵入楚追剿需用餉銀難以定數外  
楚省前敵及邊卡兵勇鹽菜運費暨供支雜項  
每月約需銀十三四萬兩書麟所奏係從上年

恩撥江西等省餉銀未到以前截算共收銀一百五  
十三萬兩以每月十三四萬計數連閏共計十  
三個月約短銀二十餘萬兩是以書麟摺內曾  
聲明本不敷用其時不獨兵勇餉銀多有未清

卽運費雜支一切亦有掛欠臣到楚後飭令總

理道員及各糧員將積欠各款逐一核查所有

官兵餉項業已陸續清給惟鄉勇一項去留不

常兼之陣傷亡故開除添募月有不齊積之既

久更不比官兵較易查核其應行找發餉銀必

須責令原募州縣傳集勇首逐一查明方可給

發未便率行散放致有侵冒至現在月需餉銀

本年添有兩粵江西湖南等省及本省補額官  
兵共七千八百餘名又今春需糧孔急書麟倭  
什布令各路軍糧改由陸路運送需費較多加  
以製備軍火器械借支征兵衣履以及本省新  
兵守餉等項皆書麟前奏月需數內未曾列入  
之款前據藩司孫玉庭詳稱每月約需銀二十  
萬兩左右臣逐加酌減屢飭撙節支用除兵勇

口糧現有截漕米石尚無須採買外每月亦需  
餉十六七萬又兼本年春夏間額勒登保德楞  
泰七十五先後帶兵入楚剿辦支給餉銀又於  
本省月支數外加增計自上年臘月以來節次

蒙

恩賞撥餉銀二百五十萬兩又借動本省司庫銀二  
十九萬共銀二百七十九萬除歸還上年不敷

掛欠各項約二十餘萬外又自正月至今支用  
兵餉運費一切約需銀一百三十餘萬統計所  
支已幾及一百六十餘萬兩現在襄鄖宜各局  
存餉合算不滿二十萬兩雖以所收之餉核之  
需用之數及現存之項不甚懸殊但其中支給  
各款細數承辦各員難保無例外冒濫之弊帑  
項攸關絲毫必須覈實臣此時往來房竹一帶

凡局員糧員及承辦運送糧餉各州縣開報文冊繁多未能盡數攜帶且尚有調查未齊者難以徹底查核容俟臣比覈文卷逐一確查如得有浮冒實據卽行嚴叅治罪分別追賠斷不敢稍有徇隱

吳熊光又奏言臣節次奉到

諭旨垂詢倭什布款跡數月以來逐一悉心訪察查



楚省兵勇餉項隨征者由局發給隨營糧員支  
放分防者由局撥給坐落州縣支放上年自正  
月賊匪入境後初則倭什布同孫清元帶兵剿  
辦嗣明亮到楚與倭什布孫清元等或會合擊  
剿或分路抄截賊蹤折竄無常兵勇亦分合無  
定每月運送前敵及各卡餉銀因道路時有梗  
塞不能如期趕到以致移前掩後月復一月積

有尾欠鄉勇一項當軍興之初本奏明從征者  
日給口食銀八分後因食物昂貴該勇等口食  
不敷加給一錢月給銀三兩較之兵丁得項已  
屬倍多是以向不給米又鄉勇本係業民去來  
無定非比兵丁隸各營伍各有員弁管帶從前  
召募時恐無統率俱責成各州縣挑選紳士爲  
首領應領餉銀每月由各州縣出具印領赴局

請領轉發各首事散給兩將鄉勇調派隨征解  
原坐州縣較遠應領銀兩不能按時給領暫在  
糧臺借支因無州縣印領爲憑不能盡數借給  
以致亦有尾欠以衆兵勇未經領足之尾數積  
至經年累月計數漸多曾經書麟查明具奏又  
從前滿漢各營餉項雖已照例支給但不知查  
照經畧額勒登保參贊德楞泰酌定章程辦理

所給未免浮多帑項本屬不充又兼不知節減  
並於製備軍裝暨運送軍火等事亦不能權衡  
緩急以是益形缺乏遂致餉項積有尾欠兵勇  
得以藉辭又所截漕糧係上年冬間所收之米  
倭什布今年二月內回省並不就近查催運送  
襄鄖二局轉解房竹迨大兵入境倉猝趕運多  
糜腳價仍緩不濟急此實倭什布與承辦各員

經理不善咎無可辭至倭什布在楚辦理糧餉  
有無私提銀兩侵蝕入已局員糧員必知底數

臣現分別查詢僉稱倭什布業已拏問何所頭

忌卽如支用夫驟等項尚且不破代爲隱瞞若  
倭什布曾有私自提用銀兩豈有不趁此時說

出轉致將來自干貽累之理衆供如一似無隱

飾其兵勇擾累百姓之事臣前與全保面向孫

清元等詢問據稱祇有本年四月間滿兵馬匹踐食田間麥穗百姓在德楞泰處喊訴其時適孫清元吉林泰托爾托保三人一同赴德楞泰營盤謁見經德楞泰斥責令該鎮等查明禁止酌給銀兩按數賠償百姓俱欣謝而去隔別究詰各無異辭謹據實具奏均奏入

上命軍機大臣傳諭吳熊光曰龍紹周一股經官兵

剿殺祇剩數百人殘敗遁回川境德楞泰督兵追  
剿定可卽就殲除至徐添德餘黨在竹山北界游  
奕人數雖屬無多而該匪等熟悉邊界山徑自應  
上緊截剿其由房縣南山奔竄興山賊股及竹谿  
西南邊界零星竄匪經長齡孫清元德昌等分投  
迎擊俱有斬獲楚省邊界以次肅清此時惟有分  
飭各卡隘嚴密防堵勿令竄回俾德楞泰等得以

併力剿除此爲最要至所請撥銀八十萬兩此時  
楚省業已無賊吳熊光係預籌辦理善後事宜及  
添設提鎮等營各費尚非急需茲已於廣東解京  
項下撥銀二十萬兩江西存庫銀內撥銀二十萬  
兩解交吳熊光備用伊摺內本稱現在尚有餉銀  
三十二萬兩計每月所需可至十月加以此次撥  
往銀四十萬兩共有七十餘萬兩之多爲數儘屬



充裕務當督率屬員搏節支用不可稍有糜費事竣後如此項尚有多餘即可就近分撥川陝兩省以備善後之用又據奏清理兵勇積欠及月費兵餉數目並查核收支銀兩各數各軍營動用餉銀承辦各員往往因浮費無可開銷輒思剗外增添以彌其缺而該督撫等卽據以奏報經部中駁飭者不一而足軍需則例俱有一定款項何得絲毫

冒濫吳熊光務當將楚省支用軍需各款徹底清查核實報銷毋許將例不准銷之款攙入牽混如承辦各員有浮冒等弊一經查出卽當嚴叅懲辦從前楚省支應軍餉皆非吳熊光任內之事無所用其迴護此次查辦後如稍有瞻徇則吳熊光不能辭咎矣至通飭營員將寔存兵勇細數按月造報各糧員卽照所造實數核明如期散放一節自

應如此辦理至倭計布既據查明並無貪婪劾法  
舞弊情事其經理軍需未能妥協自當治以應得  
之罪已交軍機大臣會同刑部按律定擬矣

上又命軍機大臣傳諭吉慶張誠基曰現在大功將  
次告竣湖北境內已無賊匪該省一切善後事宜  
需用甚多著於江西省現存項內撥銀二十萬兩  
廣東解京七起之後起項內撥銀二十萬兩順道

一併解交湖北省交與吳熊光收貯備用

同日陸有仁奏言查南山零匪節經剿捕之後  
爲數無多必當尅期掃除肅清山境因疊次勒  
限嚴催並多發告示遍爲張貼無論兵勇寨民  
有能擒獲賊匪一名臣卽量爲指賞旋據通判  
雒昂稟報在火燒營老林殲賊二十餘名又遊  
擊薛國相稟報在高橋老林擒斬三十餘名現

在深林密箐匿跡潛蹤者統計不及百人指日  
即可搜捕淨盡連日據各路探報楊張等逆餘  
匪由西鄉大池壩竄至羊溪河額勒登保派令  
格布舍及副將楊芳等截剿於黑龍洞一帶殲  
獲二百餘人生擒賊目張國順餘匪向東竄入  
紫陽境內沿途復有斬獲茲於紫陽任河淹斃  
多名餘剩無幾格布舍等緊躡追剿經畧移師

西鄉之九陣壩一帶督辦又高見奇等股餘匪  
並冉學勝所剩零星殘匪經川省官兵追剿屢  
次窺伺南鄭城固邊卡副都統慶溥總兵九十  
等隨時派兵堵禦並各處寨勇併力嚴防未令  
闖入現仍由南江通江境內分股奔竄又賊匪  
龍紹周一股現已竄入平利縣屬之古里渡一  
帶德楞泰帶兵追剿已至大寧平溪卽日可入

陝境又另股千餘人竄入平利之化龍山現經  
該縣稟請帶領鄉勇之柯藩就近截剿各等情  
現在經畧大營及各路防堵官兵俱移駐西鄉  
邊界多在深山窮谷之間相距縣城均二三百  
里不等所需兵糧除先期運貯各寨堡外現復  
不惜重價僱覓夫騾逐日趕運卽日叅贊大兵  
又將入境所有平利一帶糧石臣先經分運各

纂存貯現又飛飭探明行營趕緊運送惟前蒙  
賞撥兩淮鹽餉二十萬兩約計出月方可解到而粵  
東二十萬兩尚未據咨報起解日期程途遙遠  
約十一月底始能到陝臣節次飛催淮餉兼程  
趕解漢中以期隨時接濟奏入

上命軍機大臣傳諭陸有仁曰陝省南山竄匪又經  
雒昂薛國相等殲擒五十餘名現在匿跡潛蹤者



統計不及百人陸有仁務當上緊督催迅速搜捕  
惟南山地方寥廓深林空箐處處可以潛藏卽此  
股餘匪剿淨後仍難保無一二零星賊匪在彼窺  
匿尚應嚴飭將弁兵勇逐處搜尋不使一名漏網  
以淨根株至陸有仁此摺自爲請餉而發朕不待  
伊奏請前又續撥兩淮粵省餉銀四十萬兩不過  
尚未到陝耳但旣稱需用緊急著於山東山西河

南三省解甘備賑銀一百二十萬兩內不拘何省  
解過陝境時准其截留銀二十萬兩合之兩淮粵  
省餉銀共有六十萬兩爲數已屬充裕總當嚴飭  
屬員撙節支用核實報銷不可稍有糜費

三十日

甲戌

德楞泰奏言竊

臣

節次兜剿龍逆賊

匪只餘六七百人向興山巴東之南山奔逃旋

獲哨探報稱賊匪東竄設剿已折西南之龍洞

河高橋河泉保坪順水溪一路臣查詢順水溪

左走構園子河係入竹山之龍石坪長村壩張

公橋右走夾乃溪亦係竹山之班竹園羅漢洞

是賊已向西南奔逃尾追之副將李應貴叅將

馬元馬濟遊擊李應元勢必緊躡而來我兵正

可趕前截剿以收兩面夾擊之效當商令蹇冲

阿溫春馬瑜蒲尚佐等帶領馬步官兵抄出泉

保坪遏其折回

臣

卽督同色爾滾并侍衛將弁

帶領馬步官兵星夜由夾乃溪取道長村壩趕

前迎剿於初九日午後行抵長村壩尚無賊蹤

直至青龍坡始見賊匪由野猫巖老林竄出一

半形狀慌張卽令馬步官兵突出截殺時蹇冲

阿溫春馬瑜蒲尚佐並李應貴等兩路官兵自

龍池坪東溪嶺趕剿前後截殺斃賊四五十名

該逆人少便捷四散奔逃又由甘溪坪折竄野  
猫巖老林馬隊萬難前進隨令馬元李應貴帶  
領步兵復追二十餘里又殺賊四十餘名共生  
擒王宗仁鄒炳等七十八名有藍翎鄉勇首謝  
金章見一賊身背幼孩狂奔旁賊令其丟棄聲  
稱龍元帥之子不敢丟下謝金章卽趕前將賊  
戳死奪獲幼孩餘逆竄入嘯天隴老林越箐遁

逃訊據獲犯王宗仁等僉稱幼孩實係龍逆之  
子餘匪已向九湖竄走查九湖一路由小溪大  
寧之通城沙包子可通巴東該處又屬茂林險  
仄馬不能進當又添派參將何君佐帶雲南兵  
丁同李應貴等皆徒步率領兵勇入林緊躡賊  
蹤賽冲阿等仍扼住順水溪防其復折臣遂於  
青池堽策應旋據探報賊匪由九湖連夜走巴

東之平中坪有出巫山當陽之勢該處中走廖  
家坪可至大寧之八石坪右走黃金坪羅坪入  
楚左走黃草坪卽至大寧通城因左手東面之  
陰條嶺并火峯界嶺一帶尤爲緊要李應貴等  
於十一日又由烏雲頂跟蹤追捕賽冲阿等卽  
由陰條嶺左出黃草坪臣因通城一路空虛無  
兵卽取道梨子坪沙包子趕前抄截十五日途

次接賽冲阿來信龍逆等又由燕石籠前竄宜  
兵於十二日戌刻趕至胡家壩相隔一山只有  
二十餘里卽帶兵乘夜前往衝殺翻過山梁時  
已二更途間據拏獲賊匪楊子明等供稱龍逆  
等已於黃昏後起身向螞蝗山竄走臣思賊匪  
雖已無幾道路寔在叢雜每日狂奔百五六十  
里總宜遏住楚境東由爲要賽冲阿溫春等又



抄出八石坪馬瑜李應貴等尾躡十三日至七  
陽壩趕上賊尾追殺十餘里斃賊三十餘名生  
擒萬昌貴等三十一名詎該首逆知官兵分路  
又復分股一竄沈家河元天觀一走白菓寺黃  
羅織兩路俱係向東恐逼令深入楚境詢查前  
途之古牛窖爲合路扼要之區因令守備龍必  
達史定川謝金章帶領鄉勇連夜繞出古牛窖

虛張聲勢多燒號火并飛飭李應貴等自東向  
西兜剿賽冲呵等由觀音巖繞過木瓜溪扼住  
古牛窰東面龍必達等探得賊匪是夜屯於東  
坪大戶灣等處距古牛窰三十餘里卽帶領兵  
勇趕前追剿十四日至廖家坪賊見官兵截住  
火峯界嶺又折走杉尖坪西逃沿途趕殺賊匪  
二十餘名蒲尚佐馬應國等帶兵由趙家灣擲

截賽冲阿等馬隊出火石溝馳追馬瑜李應貴  
等由石板厂旁抄直追至僧家坪共殺賊一百  
餘名生擒龍逆之妻汪氏並僞軍師王鵬老教  
首李添棟及王鵬之妻游氏匪犯徐子耀等五  
十六名餘匪向巴烏河鳳凰坡竄入奉節巫山  
地界將龍汪氏并獲犯等一併差解前來臣於  
十五日申刻已抵通城十六日探報賊匪尚在

老山內之磨子灣一帶該處南通楊溪河大昌  
西南通八石坪正東係巫山大峽仍可通巴東  
縣境臣查該首逆之妻子俱已被獲所餘匪徒

三百餘人馬匹全無均係亡賊亡命之徒不出  
路逕拚死狂奔總在川楚邊界老箐中忽東忽  
西時隱時見臣已扼住大昌通城兩路務期趁  
此趕緊剪除淨盡庶可移師再辦另股除將王

鵬李添棟訊明鬻割外其王宗仁鄒炳等一百六十五名均係戰手老賊一併正法其龍逆之妻汪氏逆子三元兒王鵬之妻游氏例應緣坐已押解大寧縣監禁再臣前接七十五來信追剩湯劉等股賊匪趕至東鄉縣中河一帶所剿賊匪數百人時准臣等知會令其帶兵願住川東不可使賊竄楚北十五以湯劉賊匪無幾就

近移咨疏通羅文壩一帶運道之總兵託雲泰  
帶兵接剿卽折回川東剿辦苟逆分股賊匪等  
語臣隨又飛札嚴飭託雲泰務將湯劉餘匪趕  
緊殲除勿任北竄昨又接七十五來信自溫湯  
并剿敗樊苟分股賊匪後帶兵自沙沱子跟剿  
由奉節大寧而來十三日探知苟逆分股賊匪  
現在奉節之楊柳壩核桃壩有入山之勢卽於

四更發兵黎明至核桃壩值賊頭起婦女先行  
後有馬賊百餘人步賊五六百人被侍衛武隆  
阿遊擊閻俊烈都司羅恩舉蒲佑盛等帶兵突  
出賊匪猝不及防立斃三四十人賊衆敗上東  
山梁依險抗拒兵勇往來攻搶數次正在相持  
七十五督大隊到來一湧而上逆遂敗走牛磊  
口又追殺賊五六十人忽有馬賊執旗指揮衆

賊捨命抗拒藍翎候補把總張必祿率兵勇袁朝俸等數人衝入將騎馬賊目二人生擒武隆阿等乘勝趕剿又斃賊二三十名賊復潰敗向王道河奔逃官兵緊跟追剿沿途又殺賊百餘名共擒獲賊一百五十九名口內訊出騎馬指揮賊目係偽總兵苟文懷苟朝明大頭領閻瑞林并苟文明之親妹羅苟氏除訊明張克達等



七十一名俱係戰手立即正法外其偽總兵苟  
文懷苟朝明閻瑞林羅苟氏等四名就近解交  
夔州府審辦其李科華等八十四名訊係難民  
照例撫卹省釋兵勇亦無損傷等情嗣七十五  
知臣由通城一路進剿卽就近輕騎前來會商  
詢知所剿之賊係苟文明分出另股生擒之苟  
文懷係苟文明胞兄卽係此股首逆餘匪不過

千餘人已由西溪河加當灣一帶竄走查加當  
灣徑通陝楚邊境自應遏其去路當卽令該提  
督帶兵取道徐家壩扼截庶無蔓入陝楚之患  
隨又據探報龍逆所剩餘匪三百餘人十四日  
五鼓竄走巫山縣之大峽架上下中嘴坡向冉  
村板倉坪一帶遁逃該處係川楚毗連左通相  
思嶺右走琴樂坪中達火峯界嶺查此路密林

深箐向來人跡罕到賊匪亦從未經過之地賽  
冲阿等隨派千總史定川高星文馮正朝等帶  
領奮勇兵勇緊躡追剿賽冲阿溫春馬瑜蒲尚  
佐侍衛富僧德總管富登阿協領穆騰額副將  
李應貴叅將馬元馬應國遊擊李應元沈洪等  
帶領馬步兵勇由九田觀音崖大灣一帶馳赴  
板倉坪進剿該逆現剩不過三百餘人實在勢

窮力竭即使遁入楚境兩路兵力跟追總可不  
致漏網再巴東巫山界上前有李姓一股賊匪  
游奕不過七八百人近探知官兵前來業已南  
竄四川大寧山內又總兵穆克登布由陝楚追  
剿青號餘匪只有數百人入川現已由奉節紅  
池壩竄走開縣之棧井壩一帶勢亦窮蹙穆克  
登布緊躡追剿諒不日即可掃淨

臣將龍逆辦

完卽移師自大寧之楚陝界上將山內賊股向  
西南兜剿與額勒登保爲東西犄角之勢剿辦  
更易再臣前經過徐家壩因兵勇追奔兩月不

無疲乏飛調駐防大寧鹽場之副將唐朝臣帶  
生力兵勇八百名前來協剿隨同李應貴跟蹤  
賊蹤入山不料該兵勇等久駐營卡不耐勞苦  
旬餘以來患病腿腫不能前進者卽有三百餘

名病故者亦復不少唐朝臣亦復患病臣即令

其帶領原兵回卡分駐初十日行抵龍洞河即

已病故查大寧鹽場譚家墩一帶營卡原設兵

勇一千餘名現有遊擊李光晟帶領該遊擊近

日臥病不支只有守備夏福一員統轄難周臣

已飭查該遊擊病勢可否能望速痊之處另行

辦理外該處卡隘緊要臣即就近飭調防守巫

山之福建遊擊徐朝綱防駐營卡自可得力其  
巫山營本任都司袁陞侯已派赴太平縣料理  
病兵現卽飛調令其速回本任再兵勇山行兩  
月跣足者多此時近在夔府各營將領俱差人  
赴夔城置辦鞋脚知府方積捐辦鞋履馬掌星  
夜趕解前來分給家兵實爲踴躍急公奏入

上命軍機大臣傳諭德楞泰曰此次截剿龍逆一股

共計殲擒六百餘人並將龍逆妻子拏獲並僞軍  
師王鵬等所剩匪徒不過三百餘人馬匹全無徒  
步奔竄寔已十分窮蹙現在德楞泰令賽冲阿等  
帶領兵勇分投截剿扼其去路無難尅期成擒但  
德楞泰總當專注龍逆一股將該首逆上緊擒獲  
並將餘匪悉數殲除不可因剩匪無多任其竄入  
楚界交與楚北官兵剿辦伊達帶兵另剿他股賊



匪以致餘孽未淨復有屯聚勾結上年高二馬五  
任甘境剿敗所剩無多因那彥成不卽窮追該匪  
等遂逃至川境輾轉糾聚五年以來軍營此等情  
形非止二三次矣不可不引以爲戒至該逆就擒  
後一面錄供具奏一面卽在該處懸割示衆德楞  
泰辦竣此股視何處緊要卽帶勝兵速赴該處協  
力剿辦務於九月內將各股賊匪一律辦竣至七

十五一路剿辦苟文明分股賊匪擒獲苟文明之  
兄偽總兵苟文懷殲擒賊匪四百餘名所辦亦好  
據稱此股餘匪不過一二多人德楞泰旣飭該提  
督截其逸入陝楚之路務當催令奮力剿辦一鼓  
殲除爲要候補把總張必祿率領袁朝俸衝入賊  
隊將騎馬二賊生擒甚爲奮勇著卽查明量予陞  
拔其擒獲之偽總兵苟文懷苟潮明閻瑞林等審

明後亦卽按律辦理副將唐朝臣因調赴軍營入  
山剿賊患病身故著加恩照軍營病故例賜恤至  
所帶兵勇患病腿腫者計有三百餘名令其回卡  
防守亦不能得力自應挑出撤回原伍以資調養  
而節糜費至夔州府知府方積捐辦布鞋馬掌等  
項尚屬急公俟大功告竣酌加恩獎